

古今說部叢書

第九集

古今說部叢書

第九卷

民國二年九月出版

古今說部叢書 集

(六冊定價大洋一元六角)

校輯者

上海棋盤街平和里內
國學扶輪社

印刷所

上海六馬路吉慶坊內
國光活版部

總發行所

上海棋盤街平和里內
國學扶輪社

版權
所有

外埠分發行所

北京 各書坊
天津 各書坊
保定 各書坊
成都 粹記書局
成都 源記書莊
山西 文元書局

廣東 會文學社
漢口 廣益書局
長沙 鴻文書局
南京 啓新書局
杭州 德記書莊

蘇州 振新書莊
湖北 羣益書局
蕪湖 匯海書局
寧波 汲綆齋
安慶 神州報分報

茶董敘

夫登高丘望遠海酒固爲吾儕張軍濟勝之資而月團百片消磨文字五千或調鶴聽鶯散髮臥羲皇則檜雨松風一甌春雪亦所亟賞故斷崖缺石之上木秀雲腴往往於比吸靈芽漱紅玉淪氣滌慮共作高齋清話自晉唐而下紛紛邾莒之會各立勝場品例淄澠判若南董遂以茶董名篇語曰窮春秋演河圖不如載茗一車誠重之矣如謂此君面目嚴冷而且以爲水厄且以爲乳妖則請效綦母先生無作此事

冰蓮道人夏樹芳識

茶董小序

范希文云萬象森羅中安知無茶星余以茶星名館每與客茗戰自謂獨飲得茶神兩三人得茶趣七八人乃施茶耳新泉活火老坡窺見此中三昧然云出磨則屑餅作團矣黃魯直去芎用鹽去橘用薑轉於點茶全無交涉今旗鎗標格天然色香映發峴爲冠他山輔之恨蘇黃不及見若陸季疵復生忍作毀茶論乎江陰夏茂卿叙酒其言甚豪予笑曰觴政不綱曲爵分懃詆呵監史倒置章程擊斗覆觚幾於腐脇何如隱囊紗帽翛然林澗之間摘露芽煑雲腴一洗百年塵土胃耶醉鄉網禁踈闊豪士升堂酒肉僧父亦往往擁盾排闥而入茶則反是周有酒誥漢三人聚飲罰金有律五代東都有麴禁犯者族而於茶獨無後言吾朝九大塞著爲令銖兩茶不得出關正恐濫觴於胡奴耳蓋茶有不辱之節如此熱腸如沸茶不勝酒幽韻如雲酒不勝茶酒類俠茶類隱酒固道廣茶亦德素茂卿茶之董狐也試以我言平章之孰勝茂卿曰諾於是退而作茶董陳繼儒書於素濤軒

茶董題詞

荀子曰其爲人也多暇其出入也不遠矣陶通明日不爲無益之事何以悅有涯之生余謂茗椀之事足當之蓋幽人高士蟬脫勢利藉以耗壯心而送日月水源之輕重辦若溜澠火候之文武調若丹鼎非枕漱之侶不親非文字之飲不比者也當今此事惟許夏茂卿拈出顧渚陽羨肉食者性焉茂卿亦安能禁壹似強笑不樂強顏無懽茶韻故自勝耳予夙秉幽尙入山十年差可不愧茂卿語今者驅車入閩念鳳團龍餅延津爲淪豈必土思如廉頗思用趙惟是絕交書所謂心不耐煩而官事鞅掌者竟有負茶竈耳茂卿猶能以同味諒我耶

雲間董其昌

茶董目錄

上卷

輕身換骨

素養芳氣

潰悶常仰

樂天六班

好奇鬪勝

顧渚取租

詩稱芳冠

薛能詩

高人愛惜

嬌女心劇

姓餘甘氏

茗戰

還童振枯

丹丘仙品

腦痛服愈

志崇三等

靜試對嘗

芒屨爲易

人號漏卮

顧況論

鮑姊著賦

山林性嗜

名斛二瘕

茶宴

湯社

茶品

碧沈香泛

翻玉添酥

慕巢知味

襲美雜詠

龍陂仙子

明月始生

盧同自煎

王濛水厄

甘心苦口

吐雪堆雲

樵青竹裡煎

能仁石縫生

珍賜一餅

仙芽

甘露

甘草癖

聖陽花

下卷

玉塵香乳

魚眼鍼芒

御史瓶

博士錢

貴新貴活

一旗一鎗

滌盡昏渴

乳妖

百碗不厭

天柱峰數角

草木仙骨

竹瀝水取勝

鴉山鳥嘴

久食益意思

黨家應不識

眉白眼青

瀑布山大獲

冰敲其晶瑩

奈何穢吾素業

列眞上茶

不畏寒暑

湯戲

一片同歡

義興山萬兩

山川眞筍

鍊囊末以進

鳳髓龍團

嘗味少知音

蕃使亦有之

絲哉點也

武昌山大蓼

水半是南零

景仁乃有茶器

溫山御薺

白鶴僧園本

名別茶薈

止受一串

味勝醍醐

密賜代酒

雀舌

恁地怎得不窮

丐賜受煎炒

午碗春風

見鬼覓茶

金地藏所植

時食茗菜

地各數畝

香薄蘭芷

以爲上供

蟬翼

未遭陽侯之難

包裹鑽權倖

一甌月露

茶董卷上

延陵夏樹芳茂卿甫輯
茸城眉公陳繼儒甫補

輕身換骨

陶弘景雜錄芳茶輕身換骨。丹丘子黃山君嘗服之。

還童振枯

李白茶述。余聞荊州玉泉寺近清溪諸山。山洞往往有乳窟。窟中多玉泉交流。其水邊處處有茗草羅生。枝葉如碧玉。惟玉泉真公常采而飲之。年八十餘歲。顏色如桃花。而此茗清香滑熱。異於他。所以能還童振枯。人人壽也。余游金陵。見宗僧中孚示余茶數十片。拳然重疊。其狀如手掌。號仙人掌茶。兼贈以詩。要余答之。後之高僧大隱。知仙人掌茶發於中孚。衲子及青蓮居士李白也。

素養芳氣

顏魯公月夜啜茶聯句。流華淨肌骨。陳淪滌心源。素養傳靜夜。芳氣滿閑軒。

丹丘仙品

謝宗論茶曰。此丹丘之仙茶。勝烏程之御荈。首閱碧澗。明月醉向霜華。豈可以酪蒼頭。便應代酒從事。

潰悶常仰

劉琨字越石。與兄子南兗州刺史演書曰。吾體中潰悶。常仰真茶。汝可置之。

腦痛服愈

隋文帝微時。夢神人易其腦骨。自爾腦痛。忽遇一僧云。山中有茗草。服之當愈。進士權紆讚曰。窮春秋演河圖。不如載茗一車。

樂天六班

白樂天方齋。劉禹錫正病酒。乃饋菊苗。蘼蘼蘆菹。鮓鮓。換取樂天六班茶。二囊以醒酒。禹錫有西山蘭若試茶歌。何況蒙山顧渚春。白泥赤印走風塵。欲知花乳清冷味。須是眠雲臥石人。

志崇三等

覺林院釋志崇。收茶三等。待客以驚雷。莢自奉以萱草。帶供佛以紫茸。香

好奇鬪勝

周韶好蓄奇茗。嘗與蔡君謨鬪勝。題品風味。君謨屈焉。

靜試對嘗

和靖先生林君復試茶詩曰。白雲峯下兩檜新。膩綠長鮮。穀雨春。靜試恰如湖上雪。對嘗兼憶剡中人。

顧渚取租

甫里先生陸龜蒙。字魯望。嗜茶。葺置小園於顧渚山下。歲取租茶。自判品第。

芒屨爲易

朱桃椎嘗織芒屨置道上。見者爲鬻。朱茗易之。

詩稱芳冠

張載字孟陽。詩曰。芳茶冠六清。溢味播九區。

人號漏卮

瑯琊王肅喜茗。一飲一斗。人因號爲漏卮。肅初入魏。不食羊肉酪漿。常飯鯽魚羹。渴飲茗汁。高帝曰。羊肉何如魚羹。茗飲何如酪漿。肅對曰。羊是陸產之最。魚是水族之長。羊比齊魯大邦。魚比邾莒小國。惟茗下中。與酪作奴。彭城王勰顧

謂曰。明日爲卿設。邾莒之會。亦有酩奴。

顧況論

顧況號逋翁。論茶云。煎以文火。細煙小鼎。長泉。

薛能詩

唐薛能字大拙。詩云。偷嫌曼倩桃無味。擣覺嫦娥藥不香。

高人愛惜

龍安有騎火茶。唐僧齊己詩。高人愛惜藏巖裏。曰。白紙封題。寄火前。

鮑姊著賦

鮑昭姊令暉著香茗賦。

嬌女小劇

左思嬌女詩云。吾家有嬌女。皎皎頗白晳。小字爲紈素。口齒自清曆。有姊字惠芳。眉目粲如畫。馳驚翔園林。果下皆生摘。貪華風雨中。倏忽數百適。心爲茶荈劇。吹噓對鼎鑪。

山林性嗜

李約字存博。雅度簡遠。有山林之致。一牛不近粉黛。性嗜茶。嘗曰。茶須緩火。炙活火煎。始則魚目。散布微微。有聲中則四際泉湧。纍纍若貫珠。終則騰波鼓浪。水氣全消。此謂老湯三沸之法。非活火不能成也。客至不限甌數。竟日爇火。執器不倦。曾奉使行至陝州。硤石縣東。愛渠水清流旬日忘發。

姓餘甘氏

胡嵩飛龍澗飲茶詩。沾牙舊姓餘甘氏。破睡當封不夜侯。陶穀愛其新奇。令猶子彝和之。應聲曰。生涼好喚鷄蘇佛。回味宜稱橄欖仙。彝時年十二。

名斛二瘕

桓征西謚宣武。步將喜飲茶。至一斛二斗。一日過量。吐如牛肺一物。以茗澆之。容一斛二斗。客云此名斛二瘕。

茗戰

孫樵字可之。送茶與焦刑部。建陽丹山碧水之鄉。月瀾雲龕之品。慎勿賤用之。時以鬪茶爲茗戰。

茶宴

錢起字仲文。與趙莒茶宴。又嘗過長孫宅。與郎上人作茶會。

湯社

五代時。魯公和凝字成績。率同列遞日以茶相飲。味劣者有罰。號為湯社。

茶品

陸羽字鴻漸。品茶千類。萬狀。有如胡人鞞者。蹙縮然。犂牛臆者。廉襜然。浮雲出山者。輪菌然。輕飈出水者。涵澹然。此茶之精腴者也。有如竹籜者。臚筵然。如霜荷者。萎萃然。此茶之瘠老者也。又論茶有九難。陰采。夜焙。非造也。嚼味。嗅香。非別也。膏薪。庖炭。非火也。飛湍。壅潦。非水也。外熟。內生。非灸也。碧粉。縹塵。非末也。操艱。攪遽。非煮也。夏興。冬廢。非飲也。臚鼎。腥甌。非器也。造茶具二十四事。以都統籠貯之。遠近傾慕。好事者家藏一副。

碧沈香泛

曹鄴字業之。謝故人寄新茶詩。劍外九華英。緘題下玉京。開時微月上。碾處亂泉聲。半夜招僧至。孤吟對月烹。碧沈雲脚碎。香泛乳花輕。六腑睡神去。數朝詩思清。月餘不敢費。畱伴肘書行。

翻玉添酥

唐奉節王好詩。嘗煎茶就李鄴侯題詩。鄴侯戲題云。旋沫飜成碧玉池。添酥散出琉璃眼。

慕巢知味

少傅白樂天睡後煎茶詩。婆娑綠陰樹。斑駁青苔地。此處置繩牀。旁邊洗茶器。白瓷甌甚潔。紅鑪炭方熾。末下麴塵香。花浮魚眼沸。盛來有佳色。嚙罷餘芳氣。不見楊慕巢。誰人知此味。楊同州亦當時之善茶者也。

襲美雜詠

皮日休字襲美。茶中雜詠序云。國朝茶事。竟陵陸季疵始爲經三卷。後又有太原溫從雲。武威段礪之。各補茶事十數節。並存方冊。昔晉杜育有荈賦。季疵有茶歌。遂爲茶具十詠。寄天隨子。

龍陂仙子

開寶初。竇儀以新茶餉客。奩面標曰龍陂山子茶。

明月始生